

Bono animo fac sis, Sostrata, et istam quod potes
 fac consolere. ego Micionem, si apud forumst,
 conveniam atque ut res gestast narrabo ordine :
 si est facturus ut sit officium suom,
 515 faciat ; sin aliter de hac re est ei(u)s sententia,
 respondeat mi, ut quid agam quam primum sciam.

5

ACTVS IV

CTESIPHO SYRVS

i

CT. Ain patrem hinc abisse rus? *SY.* iamdudum.

CT. dic sodes. *SY.* apud villamst :

nunc quom maxume operis aliquid facere credo. *CT.*
 utinam quidem !

quod cum salute ei(u)s fiat, ita se defetigarit velim
 520 ut triduo hoc perpetuo prorsum e lecto nequeat surgere.

SY. ita fiat, et istoc siqui potis est rectius. *CT.* ita ; nam 5
 hunc diem

misere nimi' cupio, ut coepi, perpetuom in laetitia degere.

et illud rus nulla alia causa tam male odi nisi quia
 propest :

quod si abesset longius,

525 priu' nox oppressisset illi quam huc revorti posset
 iterum.

nunc ubi me illi[c] non videbit, iam huc recurret, 10
 sat scio :